

■ GLOSSA

Sessiun d'enviern

DA SILVIO CAMENISCH

Speranza na daventa'la betg ina d'enfiern, cun tants dossiers brischant. Sco tramess da las terras empermessas d'idioms na less jau betg stgarpitschar en ina sessiun d'enfiern. Sto betg esser senz'auter ina d'enfiern. Ina d'enviern dastga esser. Tgi garante-scha a mai tramess da la regiun per la regiun ch'i na dettia betg ina d'enfiern? Garant n'hai jau nagin. Tup. Pensais er, jau er. Jau less ina sessiun dal parvis, meglier dal tschiel, sco el vegn vendì dal concern gigantic d'Origen. Vom jau tuttina ina giada, jau sun tramess, betg mintgin è tramess, less jau avair insatge giudlonder.

Jau vom mintga giada a las sessiuns parlamentaras, sun jau ina giada tramess, vom jau mintga giada. Sun jau er losch da mai. Sun jau betg vesì mintga giada durant votaziuns relevantas, betg preschent realmain cun mes corp mes sang tar talas, sun jau preschent. Jau aud e ves qua or en il megastore City West tge che curra qua en il cussegl, was da abläuft. Jau vegn infurmà da mes phons mes fetischs e mes rtr. Vegn legì gasettas, tgi ch'è schon puspè mort, columnas plainas d'etica e moralà, glossas senza. I na va betg senza. Tuts vegnan en tschiel, u na, betg tuts.

Jau na vegn betg giu qua en la scena per sa siglir a la gula, nua che la tgina dal



Rain è vairamain, è gea tar mintgin mintgina insanu'auter. Jau dun la pasch, tansch enturn la pipa (Middleton) da pasch, pront arrivà en da porta. Premi d'architect, jau m'emposs betg. Quella porta uschia insatge sco misteriosa da guardar dador, dadens po'la esser autra, colliesch jau cun Der Schatz der Azteken, anc oz betg translata en tuts idioms. Tants na translatain nus betg dad oz sin damaun. Tuts vegnan anc vidlonder u pertge essan nus qua sin terra? Per translatar translatar translatar idioms e vegnir enta parvis (tschiel).

Guerras sontgas pro u contra insatge guntgesch jau intenziunadamain, willentlich, en la scena. Vom jau pli gugent si tar la cotschna, manegel Platta cotschna, guard giu en la fitg fitg veglia citad d'uestg. Pli rigid stadi da baselgia e polizia, jau crai mundial. Avain nus ina giada il nas davant. Sind wir für einmal federführend. Essan nus loschs sin nus.

L'uestgieu renovescha il chastè, la fassada dador. Dadens è ella anc fitg fitg bainsamantegnida, èn prelati ed experts da renovaziuns unids. Uniun dat forza.

Gist vegni votà da las pajas da scolasts, la magistraglia. Dovran quels e quellas pajas en il ferm franc svizzer? Jau manegel, pudess ins betg pajar ora cun bellas naturalias? Magnucca chaschiel, charnpiertg e remedi? Ricola cunter la tuss, catars bronchials, da la chava dal frunt e dal magun surstressà? Bellezza cornas da chhapricorn, sco quai che tips victurs da passlung retschaivan adina apostà or da maun dal guvern. Bitschads giu trais giadas (trilogia) vali il stress dal di, en mintga cas.

Sch'i sto esser dain nus dapli pasch a la magistraglia qua sin las emporas, e garantì per far dapli presciun durant la sessiun. Avant ch'il café cun cornets dal capricorn pitschen è pront, avain nus pressiun auta, ristgain insatge. Il docter Cotschen da la lega sanestra na lain nus burgais betg, nus betg. Sch'i fa bassegn, sch'i drova nus, murin nus per ella. Vivo per lei schain nus ardentamain pir en tschiel, char collega. La pasch saja cun nus. E cun noss idiom. Mein ist dein ganzes Herz. È ella ina giada cun il noss, il voss è ussa sinceramain egal, qua!, n'è ella betg en ils menders mauns.